

衢州文獻集成

〔史部〕

第
77
冊

衢州文獻集成

黃靈庚 諸葛慧艷

主編

〔史部〕

第
77
冊

國家圖書館出版社

(清)孫錦修

(清)方嚴翼 徐心啓纂

「雍正」開化縣志十卷
(卷六至十)

清雍正七年(1729)刻本

第七七冊目錄

〔雍正〕開化縣志十卷（卷六至十）

（清）孫錦修 （清）方嚴翼 徐心啓纂
清雍正七年（1729）刻本

.....

開化縣志卷六

文林郎知開化縣事三韓孫 錦修

雜志

曷言乎雜志非諸志義類也曷志之備鑒觀也事之有常
變也蹟之有古今也亦政治得失之林也二氏精粗異同
姑勿論其懽其頑翼王化何可泯也若乃瑣談之載舊籍
雅存儆戒之旨其或沿俗而訛聊爲以目正耳蠲飛石隕
當不作齊諧觀志雜錄 舊引

錦按雜之爲義訓參錯也謂事物無可類叙而錯雜以

志之也然而其義非輕所關不少賜復蠲租紀恩膏之
屢下禦灾捍患識補救之有人戎馬倥傯忠義之戡平
可表人民顛沛司牧之撫字多方均足以鑒古觀今因
時知備也至於蹟有興廢見時數之盛衰若乃人號
仙亦山靈之鍾淑卽或談稱錄異實震顛蒙豈曰事
不經流爲饒舌惟其有係於風土是用不靳夫管城

特恩

康熙二十七年十月

聖駕南巡 詔明年地丁全免

康熙三十六年 詔免三十二年已前未完銀米
康熙三十八年三月

聖駕南巡 詔免三十四三十五三十六年未完銀米

康熙四十四年

聖駕南巡 詔本年地丁全免

康熙四十八年 詔本年地丁全免

康熙五十年挨省蠲免是年挨該浙江 詔本年地

丁全免

今上雍正七年 詔免本年錢糧十分之二

蠲賑

康熙十年虫灾大旱奉 旨免本年錢糧三千零四

倉賑濟 邑侯崔 畢詳請

康熙十七年三逆平靖奉 旨十三十四十五十六

年錢糧全免

康熙十八年奉 旨十七十八年錢糧每年免

一百五十七兩

康熙十九年奉 旨免四千七十八兩

康熙二十一年風變奉 旨免本年錢糧三千零

邑侯吉 祥詳請

康熙三十九年旱 詔免被災田地銀發穀賑濟

署侯松江分司盧承恩詳請

康熙四十二年旱 詔免被災田地銀發穀賑濟

邑侯韓 雲詳請

康熙四十三年旱 詔免被災田地銀發穀賑濟

邑侯韓雲詳請

康熙四十六年旱 詔免被災田地銀發穀賑濟

邑侯韓雲詳請

康熙五十二年旱 詔免被災田地銀發穀賑濟

邑侯王克興詳請

康熙五十八年旱 詔免被災田地銀發穀賑濟

邑侯王克興詳請

康熙六十年旱 詔免被災田地銀發穀賑濟

俱設廠煮粥 邑侯李廷相詳請

變

正德二年饒寇入境守臣委本郡同知孟博練民兵逐至星口渡義士蘇十一奮力前敵寇始退

八年春正月大雪頃刻數尺未幾饒寇自玉山至本縣劫燬肆毒邑民罹害者約二三萬先是歲飢有司征斂太急江西姚源洞人王浩八遂偕其黨劉昌三蔡六二等拒捕官軍討之不能服流剗常玉至于開之嚴村等處其在球川殺人祭神其詞曰天地不正久雨久晴朝廷不正去賢用佞守令不正暴斂橫征我輩不正擅用刀

兵時分守叅政段敏分巡僉事儲河與叅將李隆經營捍禦而嘉興府同知伍文定嚴州府指揮邢世臣躬冒矢石與之戰世臣死之賊斂而退卒受招安以寧本邑令楊燦及義士胡潭輩咸有力焉

嘉靖十八年自四月雨至六月初五辰時洪水汎濫山崩石裂龍出斷橋浮屍壞廬衝城平地水深丈餘秋復大旱

十九年處賊大發掘六都礦洞知縣林大典率民壯義士驅之賊殺官兵劉岳張珙等林侯被刃傷手賊退以

聞被殺者賜旌義扁仍祀于義勇廟傍

二十四年盜復掘礦

三十九年十二月雨雪凍折巨木民多飢死次正雨雪甚
又飢廿四都土人程靈古程冬聚衆奪民穀各鄉以時
嚮應縣令李文告變請府判張澤按縣協力擒其巨魁
餘解散

四十年閏五月十六日大水視十八年尤甚府大賑民稍
安次年人飢斗米一錢五分

四十一年邑大水郡侯李遂特疏請蠲賑奉 旨免雜辦

十分之四

四十五年流賊竊發剽掠鄉民逃入城遠者老幼襁負匿山谷中龍山鄉一帶被害尤甚士民俱執械登城防禦賊至西安銅山中丞羽泉劉公題提大兵勦之後題請設兵廵道都司兵營于衢城本縣華埠亦設兵營控禦隆慶二年猛虎至六七八都咬傷百餘人延年方殺之腹內有人爪升餘并簪圈多識其所帶者

萬 二年三月流賊復起從德興至廿五都地方剽掠
埠陳把總督兵勦平

六年正月元宵日寅卯時黑雨如注器物及溝澮皆黑至
辰時方復常

十年五月初七日大雨一晝夜洪水滔天甚於四十年前
崩田地衝壞人畜死無算七月廿五日大水尤甚禾
漂盡推官胡以準來賑民稍安

十五年夏陰雨月餘五月廿六日洪水泛漲壞田地甚
至秋颶風大作禾稻罄飄又飛蝗遍野晚禾殘食幾
至次年春雪連宵霪雨數月黃豆無種二麥淹沒飢
流雖盜賊倡盛至五六月飢甚六都民擁入城告饑

縣汪撫安請府賑濟平糶此年斗米一錢五分

二十六年大旱五月至七月方得雨是年大飢煮糜食
民

三十三年十一月初九夜戌時地震環鈴有聲

天啟四年邑大水邑侯王家彥申請救災必須賑濟然近
者升斗猶易沾恩遠者往返不償所費

甚實滋多計本縣被災田是共二百七十

畝銀一千三百兩見今輸將既難查軍貯穀銀共五百

十一兩有奇合無照款議濟每被災一畝核

三分而以五百兩通融抵作被災地方條銀庶幾遠
均霑涓滴皆實而民減辦納之苦官亦省催徵之煩矣
當道允其請災民少甦

崇二年七月白石井及積魁巷內火並發延燒民房店
舖甚多火災頻見延及關廟關伯肆虐市城一望

崇八年五月至十月不雨秋成無收次年大飢紳士富
戶捐資輪日煮粥於靈山寺市鄉就食者日以千計飢
民稍得蘇

十五年懷玉嶺頭山寇縱橫焚劫二十七等都鄉民流